

吾吾類稿

吳皋



欽定四庫全書

提要

吾吾類稿三卷

臣等謹案吾吾類稿元吳棗撰棗元史無傳江西通志亦失載其姓名獨永樂大典各韻中頗採錄其詩文題作吳舜舉吾吾類稿又別收入胡居敬等原序三篇畧具行履知其為臨川人乃宋丞相吳潛諸孫早游吳澈之門嘗官臨江



路儒學教授元亡後抗志不出邀跡以終而不  
詳舜舉之為名與字惟王圻續文獻通考載有  
吳臯吾吾類稿之目而集中祝文內亦自稱臯  
忝游官等語始知其名為臯而舜舉乃其字也  
臯工於韻語所作大都以朴澹為主不涉元末  
佻巧纖靡之習詩中紀年多有庚寅壬辰至癸  
卯甲辰等歲名時正值至正之季盜賊縱橫目  
擊艱危每深憂憤如和劉聞廷擬右十章反覆於

國步將傾藩維弛節而繼之以堂堂尋陽守重  
義和所本云云特表李黼之忠烈以激勵當時  
臣子其志殊有可憫者雖其骨幹不為挺拔未  
能及古而纏綿悱惻要不失變雅之遺意焉惜  
其集淪佚已久諸家書目從未著錄顧嗣立元  
詩選蒐羅最廣亦闕而不載今從永樂大典裒  
輯共得詩一百九十餘首釐為三卷其雜文僅  
序銘贊祭文祝文十餘首疑已非完帙難以別



編附之於後以畧存梗概云

原叙

強圉作噩之祀余還江右抵臨江假寓天寧寺寺密邇郡庠因與教授吾吾吳先生舜舉游先生嘗語余曰郡承大亂之後民皆習武事厭儒術學宮雖存弦誦絕響教無所敷吾甚恥之既而時異事殊先生屏居閭里闕一室績學藝文惟以奉親訓子為務勢利紛華之習眎之漠如也郡洊罹兵變干戈相承學宮荒闕袁筠之境遺民逸士聞先生名每延置其家奉贄請益雖武夫悍





將多遣子弟就學焉四方搢紳大夫求詩若文戶屢恒  
滿平居無事操觚染翰著述不厭境與意會必形之吟  
咏學者多傳誦之遭時多艱竟齎志以歿惜哉先生歿  
十餘年其子均彙次遺藁屬為叙余嘗見先生文集篇  
帙甚富今所存僅若此蓋掇拾于喪亂之餘不能全也  
先生之文典實古雅從容于法度之中其為詩冲澹和  
平發乎性情之正世之工乎侈靡浮麗以流連光景嘲  
弄風月者不可並論也先生世家臨川履齋丞相之諸

孫也蚤游吳文正公之門獲聞聖賢之學故處乎叔世  
卓然不易所守使得位而見諸用其事業必有可觀也  
詞章云乎哉均字仲權好學而文能守其家學云渝陽  
胡居叙

余留郡城獲觀吳舜舉吾吾先生詩尤妙于五言如竹  
林清颺頓蘇煩鬱如蘭皋秋露負殊塵境因嘆曰詩形  
于音音生于心心有所契音乃中節先生之詩中節之  
音也而余未能知之憶余弱冠時與先生同處豫章郡



庠為弟子員余之學未知方志有不定因謂人皆然固  
余之媿也後三十年先生為臨江郡博士遂屢見之以  
怠遽流離未暇考德問業知先生未盡又可媿也後又  
二十餘年而先生歿矣而始獲盡觀其詩文皆疊疊古  
人乃大媿焉以五十年之交友而知之未能盡何也其  
失原于自怠而闕于知人也嗚呼白首巖扃舊交零謝  
欲求如先生者與之上論風雅而下評近作其可得耶  
先生之子均以先集見示凡先生行事前進士胡君居

敬叙之詳矣余書此于後姑以見慕之之至而媿之之  
深也梁寅叙詩權輿于康衢之謠賡載之歌而大備于  
成周之風雅頌後世雖有作者不可及已邵康節云自  
從刪後更無詩非無詩也無古人之詩也非無古人之詩  
也無古人之性情也五言起于李陵蘇武七言起于漢  
武柏梁詩之為體非古也締章繪句嘲風詠月詩之為  
教非古也夫以古人之詩如彼而今人之詩如此謂之  
無詩果無詩哉其間有能以今人之詩體而寫古人之



性情則詩之為教猶有存者然文章與詩高下漢魏之詩猶近于古下至六朝則綺麗之習勝而漢魏雄渾之氣亡矣迨夫聲入于律而絕句八句排律之作則號為近體而拘拘于對偶媿青配白爭以纖巧新奇為尚去古益遠然時之所趨其可少乎臨川吳舜舉先生蚤知學詩而能上追三百篇之義作為五七言古近二體諸詩皆本乎性情關乎世教非汎汎而作者前嘗為臨江郡博士其淑諸人者多矣亂離以來舊藁散失其子均叔輯遺篇于亂定之餘僅得若干首臨江稅課司大使京兆趙君師常見而說之遂率郡中士友命工刻梓以永其傳以余與先生相知之深徵序其端余不敢辭張美和叙

欽定四庫全書

吾吾類藁卷一

元

吳臯

撰

四言詩

答穆文學代竹言

猗猗青筠翳于崇岡  
幕幕繁陰媚彼飛鳳  
有美君子德音孔彰  
樵彼斧斯斲苗芟篁  
永貞是保爰底于昌

靈湫宅神龍也筠之城隅有泉淵然泉上為宮  
肖龍以人雨暘疾疫民有賴焉沉詩其間神或



樂之故作是詩以投之

泓彼淵湫闕靈城隩爰宅其幽承其庇休  
湫淵以澍築之新宮肖人而龍厥貌有顯  
奕奕其庭濯濯其靈被于羣生嘉祥是徵  
嗟予不辰國步荐逆有懷靡伸余何其臻  
陳而詩之或言遺之辭之鄙矣式塵視矣

靈湫五章四句

五言古詩

贈人歸覲鍾陵

落日白荒荒遵渚飛冥鴻苦寒繒纒薄淒其號朔風客  
買鍾陵舟泛泛烟霧中自言定省曠疾首如飛蓬行矣  
勿滯留觴酌忻暫同不憚畏塗遠且竟信宿工道經掘  
獄地尚憶劍氣紅邊烽亘殘壘離思徒忡忡

筠邑丞禱雨有感賦以贈之

霓望衆方切枯焦感愆期順成責司牧肯以叔季辭筠  
邦執徐歲蒔芸亢陽曦龜拆布疇晦百穀日已萎邑丞



其齋沐懇款重致詞靈湫詰朝詣甘澍應若隨孰云璇  
極高頰聽亦孔卑寸念感冥寂豐穰端賴之黔首困兵  
革宜卹凍與飢君子垂豈弟允冀遵良規

送人赴金陵

風雨畢餘春飛花急如霰衡門竟朝掩好樹還葱舊故  
人隔峽表不得長相見忽聞有遠役去去游海甸扁舟  
指吳會更逐長風便自是俊逸才列剡騰高薦不獨蕪  
與張清談縱雄辨眷余篤友誼不辱鄙微賤成名早歸

來英游總驚羨

遣翹生并叙

翹生於余友義尤篤由髮燥迄今無間言當  
余忻榮得意時其親愛不失左右及憂悲愁  
戚窮悶無慘卒蒙周旋其間宣力居多或感  
發或憤激或消釋或弭忘即事計功夷險一  
節殆踰夫直諒多聞者一日遽改容若欲謝  
余以請絕色甚厲氣甚冽艷焉以進慝焉以



沮非余間生生之實余間也邈不可詳自顧  
無所取忤者名之前俾殫其衷以釋其惑生  
於是惶蹙自訟曰不自敬德和而靡節或酒  
或酣爰耽爰溺詒譴于躬故茲決絕言訖斂  
衽而退又若彷徨眷戀而弗忍者遂為五韻  
詩以遣之

抱戚坐衡宇癡憂日以瘁玉友告交絕短氣復慨慷靡  
究獲嚴譴盍亦反自滅久服狂藥醉遽絕心孔傷俛默

謝儀狄因之戒荒亡

採樵山中作

晨興遵前路縱橫復多歧停策高阜間東西安所之松  
栢繫陰敷並游多鹿麋境與俗塵遠採芝堪療飢斧彼  
澗底薪束歸任烹炊迴覺人迹絕復若世事遺借問園  
與綺嘉邈亦若斯吾意爛柯者局終歸若遲余生世已  
季戈戟日交馳右道邈云遠撫膺心不怡

留別胡宗性



荆扉掩初秋羸卧欲終日高松落涼吹清露曉如擲彊  
起坐前楹有客欵蓬室忻言良朋至辭接盡詳密蹇予  
瘍在股不得屈茲膝兵革十稔餘困悴何由畢格鬪恣  
吞噬擬步輒如漆君奚膏爾車炎日屆遠出區域困豺  
虎別我增憂慄直諒性所敦非君誰壹鬱

往年客孺子宅前今別十載荐罹兵燹弗果經  
理不為瓦礫之區必將為有力者所獲感今懷  
昔惕乎厥中因成短章以寄此情

傾顛莫支維爰用養貞晦明德光已耀已足動冠蓋屢  
下賓賢榻禮意浹歡愛奮乎千載上遠與夷叔配我來  
慕高躅購屋幸相對泠泠湖水清可濯亦可溉一朝輦  
鼓動四海俱橫潰迎親仕清碧事竟與時背寧知千載  
後進止兩顛沛豈虞居室焚復惻陵谷改明當謝喧囂  
肥遁亦焉悔

熊德新修學宮完為詩貽之

殿廡麗層雲乃是素王宮孺星列前敞逝川亦朝宗顧



茲兵燬餘瓦礫翳蒿蓬昔人講經地齋館一朝空邦侯  
領時望斯文稱鉅公旦望畢恒禮咨度意益隆相投得  
賢簿勉勉督衆工載績修完美敢昧創造功學徒知講  
習游譔萃其中才彥當輩出文獻聿以崇蹇子謬承乏  
事徃今不同仰羨文翁化作頌表愚衷

寄錢本芳

有客游桂城于時秋告杪值茲搖落景孰緩憂心悄行  
行道里遠去去知己少多君共儒素頌蓋意逾厚道同  
心即契敢媿論交後永結芝蘭好何時醉醉耐睽違多  
一載夢寐常携手染翰揚深衷應憐別離久

寄傅時憲

憶昔分手時四見易裘葛昕夕耿懷思曷已此心渴丹  
厓成獨徃瑤草向晨掇樂與童冠遊還喜俗氛脫吾儕  
憐困悴高誼竟誰奪知己許論心諒君眷儒末

寄權豐城

白壁絕纖瑕瑩澈涵貞素由來荆人璞粹美非天賦豐



城列名區寶氣襍煙霧君膺竹符寄發政推仁恕居氓  
積疫困德意諒宣布枉此照乘才作郡藹清譽

寄周所立

初綠藹喬林華館微薰爽粉節蠹新篁錦繡綴林響脫  
巾掛蘿薜陽景散清朗洽此童冠儔林丘恣幽賞趙璧  
非常珍妙鑑啟深獎蘭章枉芳札亟誦慰遐想寧貽簡  
默愆輒復懷技瘡思逐好風翔深期謝榛莽

又

書屋俯長衢枉顧已承屢足然舉玉趾短榮散輕步神  
情獨散朗吐論發深趣君當儒林彥籍籍播芳譽自是  
荆山珍無瑕表真度未酬連城價良用嘆遲莫

寄人

崇岡矗高梧上有彩鳳鳴疾風吹纖雲值此天宇清汾  
陽唐功臣雲仍踵芳聲觀止愜平素願言接光榮

風雨晝淒淒行邁戒脩塗深冬饒雪霰清寒迫微軀不  
獨逃竄苦幼子復被俘仁人鑒微衷願賜尺素書聲光



銘鏤終當效區區

寄劉彥行時在德安縣

聚散耿睽違  
悵望渺盧嶽  
緬驚光景邁  
爰致音問邈  
聞當理清秩  
獲奏承嘉擢  
從容辭大理  
黽勉署商榷  
賢勞念明哲  
寵命均優渥  
君才當茂彥  
妙蘊等荆璞  
曠瞻萌鄙吝  
未遯懷芳榮  
引領雲錦間  
蹤迹限陽朔

寄陳伯昂二首

絲桐托清音  
山水寄高調  
鍾期邈云遠  
誰為發真照  
耿耿寸心存  
泠泠七絃妙  
解啟聾俗聽  
毋詔賤工誚  
獨鶴栖長松  
斂翮亦閑止  
高視浮雲端  
毛羽霜雪比  
長風動天末  
千里煙塵起  
顛顛霄漢心  
奮迅志空委

貽陳學用

前路陟崇岡  
涼颼悴危綠  
于時遠行邁  
散步經樓曲  
去燕無餘影  
寒蟬鳴高木  
新知偶相值  
觀止諧所欲  
才高領時望  
何事媚幽獨  
更言游訶樂  
嘯咏忻自足  
邀余坐



華館觴酌汎醪醑論心手頻握交誼自今篤

東軒天挑盛開

東軒粲繁英生色照書幌輕茜彤霞炫煖香散晴朗東  
風紫陌路終日馳輪鞅撫懷隱憂集頗念嬰世網仙源  
在何處整掉期獨徃應有避秦人因之攄遐想

畏暑入山間二首

方懷濯冰思未劃逃暑計野人林下期林鬱鬱松桂裸  
袒恣曠達有美裁薜荔石壁瀉流長徐徐下雲際

喬樹矗修榦松杉表羣材謾謾冒層雲繚繞依山隈側  
徑罕人蹤白石被荒苔解衣坐其上青蔭絕飛埃延覽  
極幽渺襟抱忽然開挂冠且踈誕輕颺然來

癸卯歲作

獻歲娛綵侍霽景熙晨旭三陽兆開泰陰沴盡毆逐飛  
警何方來相煽日尋蹙皇天久厭亂何用更搖毒慈闈  
方抱恐游子心懷慙頗厭城市居無由詣深谷烏鳥亦  
何仁返哺遺令躅勉奉菽水歡因之慰窮獨



懷何義立

高秋病炎燠力疾坐清羸書樓俯長川遐瞰風帆馳故  
人在天末劇我長相思裁書托雙鯉路遠莫致之桂塘  
極南際磻磳逼西陲諒集童冠樂沂浴相娛嬉鏗然舍  
瑟意求赤何由知蹇蹇豈余病采薇當朝飢

端居自譴擬寄弟尹

衰朽靡自振蹇運凝孤蹤素履慮恒澹困躓心已忡鼎  
沸復干紀煽虐滋頑兇側睨高厚寬孱眊將無容家君  
奄然逝弟妹訃亦凶稔禍何慘酷憂憤激愚衷先瑩負  
城阿十載連蒿蓬倉皇乏祝葬念此痛擘胸孤城近改  
築相遠百步中序易霜露降瞻省無由從彷徨但終日  
游復罹兵戎病毋踰八袞甘旨隨儉豐連枝阻且遠孰  
致音問通臨風一惆悵腸斷高飛鴻

病足彌月鄧漢傑惠紫竹杖

股瘍爰類躄良行改蹒跚伏枕縮伸窘窺關走趨艱賓  
至日旁午閱余生苦顏肅進藉辭接送徃卒復難忸懷



靡自解撫心不遑安交親意有會貽以紫琅玕剔竿剪  
飛佩斲本驚鳴鸞紋侵宿雨潤節傲秋霜寒扶顛委令  
材倚之良自寬感此倫誼篤懷德劇百端時危備驅策  
永矢同相完

羅氏貞女二首

國土無定疆干戈那有常倏忽致忽侵伐蚤歲迫中腸  
仰天注白日含思離閨房棄絕父母思不惜桃李芳出  
門即有特就死義有滅六親為之怨世人為之傷白骨

化清流英魄托蒼女道恒不朽感茲令名香

神州中運否世事弗獲一作齊中區鼎一沸滔滔遂沉

迷廬陵禍未稔酷慘積莫稽彼姝不自昧願願辭深閨  
蓄志秉全節於義諒不睽層雲蔽皦日白壁沉黃泥已  
矣靡遑恤聞者懷怨悽作詩表懿行懿行良難躋

題息軒

盛寵襲奇患林丘資曠逸未彌兵革艱遺榮推達識於  
焉世氛絕最特畊鑿力豈伊農畝儔畢志偶沮溺開軒



面場圃充棟浩羣籍學畊非二致安計作與息作息本  
自然含哺便終夕

題清隱軒

巨浸渺橫流懷襄日湯湯竟朝閱羣籍時繹心所臧客  
言叔度賢裒然遠騰芳豈依泉石幽深中膏與盲甘旨  
奉嚴親力畊道其常懿彼桀溺儔爰與寵辱忘羨子涉  
危亂不失居井鄉奈何參商居未獲覲清揚不得同巧  
笑永永遙相望蹇予困行邁何由際時康

過鄧漢傑

廣庭列嘉樹衡門掩重關村迴輪鞅絕幽人築其間我  
來坐高軒言笑以怡顏酌以芳樽酒醉臥復忘還

晨起

暑雨洒清夜薤葉微薦爽寢酣齋館幽夢破山禽響褰  
衣下帷闥紅旭貫穹壤危條蔓羣綠延吹入前敞抱冲  
澹無營忻言脫塵鞅

喜雨呈郡守



積雨滯農工徂景逼餘春澍澍流潦集川陸浩無垠東  
作殆難弛耦畊良苦辛雲収雨忽止驕陽肆其神頗怪  
魃為虐慘焚且兼旬府公具齋沐敷意徹紫宸上天沛  
甘澤靡靡五夕晨幸茲歲事稔庶用舒罷民作頌播厥  
美願言希秉鈞

潯陽歸值雨

玄昊頽餘景崇雲鬱西圻震霆奮逸響紫電流餘輝霖  
雨忽滂沛澗礪亦漫瀰客行偶值山况復僕馬飢息身

喬樹林餘潤襲人衣夷踞非吾偶危坐亦忘機雨歇涉  
泥潦窮昏乃投歸舉首瞻羣阜烟嵐深翠微擔隙語童  
穉譁言闢荆扉到家忻自慰觴酌且頻揮

三月廿日得幼兒消息聞在崇仁故里

承檄赴鰲磯茲辰乃還鄉于時際昇平欣覩憲度章歸  
來踰兩載

庚寅七月樂安  
秩滿壬辰兵起

海宇糜寇攘乃知十稔後不

得霑泰康遊宦寓清碧中途逢虎狼重罹檢剝若所幸  
脫死亡癸卯秋告仲兵勢日熾昌孤城寡不敵破陷俱



倉惶四門守軍律閉禦示故常大夫且莫越童稚焉足  
當矧復負荷重竄逸莫可藏於焉被毆執仍慮或見戕  
父子不相保東西各彷徨亂後永相失曷已懷抱傷有  
客來故里具言居處詳會面良可必聊且慰衷腸

春日有懷

歲月只如流咄嗟冬又春去年錦水上栖栖似迷津投  
老重扶携遠游辟兵塵迺知百里外忽此逢故人摠情  
極慰勞不惜來徃頻高抱瑩冰玉逝蹤妙無倫如何闊

別久寧忘心所親

書韓安慶大節堂

大節不可奪斯為儒者儔君侯守藩屏哲蹤希德周龍  
舒控淮浙勢比衿與喉環疆擁凶逆孤障截橫流連率  
此開閫忠良孰與侔坐念王綱頽君子懷百憂永矢盡  
臣節秉心欲宣猷構堂華扁新盛氣惛豪酋雄文勒堅  
珉光燄貫斗牛夫人已千載斯堂屹千秋

送郡守入覲



葛阜亘朔雲寒洩屆徂冬滕六擅其神玄冥不言功清  
章馳文湍南紀千里通入覲効臣職瀰瀰思朝宗邦侯  
分符來炳炳思意隆及茲赴京國述職戒古風輔行得  
賢幕摠忠意攸同明發鳳渚涓華艘乘便風眷此千里  
遙執別惜遽忽飛步登王圻矯首仰飛龍歸來承恩寵  
餘光將並蒙

贈人歸青原省覲

驅車戒行邁晨興踐嚴霜重以苦寒月游子歸故鄉雲

白楚天碧親舍在其傍青原何迢迢文川亦汪洋定省  
及茲晨斑衣戲高堂豈不念曠疎干戈猶搶攘歸來拜  
家慶此樂殊未央

廣壽寺與漢傑鄧逸人小酌因賦

屆歸迴村塗淹留畢幽趣地偏蓮界淨鳥語升陽煦神  
閑塵慮澹野服資儒素清芬騰古鼎似與冥搜助蘭尊  
倒更酌意愜斟忘屢昏晤感良儔臨分豈容遽相送下  
前墀琪花落瑤樹



詣龍祠

髻亂喜竒事壯游擴前聞筠陽古城隈神龍宅溪濱靈  
祇絕異好篇什輒見欣崇祠瞰前阜石蹬躋層雲流潦  
匯深壑湍泳亦汙汙淵湫閟靈迹及此揚清芬揆予最  
淺劣謬獲忝斯文賞音此焉遇寧媿嬰俗氣有志未由  
展老大奚足云願言弭金草一拯溺與焚

擬古七首

羲畫闡人文立德繼玄旨斯道古攸敦卒乃滋末技詞

華鄙瑇瑁何況靡工緻既貽俗眼嗤還為知音棄魚目  
殆非珎燕石混瑤珥綺麗炫顏波澹泊啟高致焉知大

雅音詮諷含六義

神龍蟄重淵豈偶介與鱗變化入冥漠倏忽致屈伸藏  
深苟無欲此性安可馴清晨滌塵慮拂拭龍脣琴冰絲  
映玉軫宮徵發徵音一鼓別鶴起再鼓紫鳳吟自非山  
水工曷契鍾子心貞士失知己何自免陸沉喜遇良難  
必聊且慰冲襟



褰衣涉湘渚崇蘭泛幽香折以遺所思奈此道路長采  
芳瀆及時過時萎且黃不念桃李年離別隔兩鄉何當  
早還歸慰此飢渴腸  
寶氣吐光芒夜燭霄漢上孰云久淪晦精采動星象由  
來至神物變化非可狀離合迹靡同顯隱何由仗冥思  
掘獄初博識啟浮獎

先正邈云邁名流若晨星餘光安足仰竟莫資典刑義  
農逮黃虞去余幾千齡淳源就湮塞徒茲守羣經苟非  
述非功羣寐何由醒炳炳垂懿則頗惻昧與冥  
四壁但蕭然蓬蒿蔽幽居豈復計貧餒志在古人書我  
來慕高誼仰止將焉如清風百代上遺言良起予

在昔炎運熄餘焦起良圖君臣及際遇魚水相與俱乃  
知長嘯時興懷佐廟謨賢輔著伊呂茲士顧不殊秉耒  
南陽者孰識為鳳雛出師戒兩立懇懇志勤劬功名照  
前代千載擅八區

擬古襍詩十二首



抱美不自獻孰識爨下才乃知荆山珎終以石見猜鳳  
雛未高舉秉耒南陽隈何以答三顧赴敵山亦摧八陣  
布雄略出師真壯哉

淳澆無異源靡靡逐時變奈何遷末運么麼伺其便長揖  
采芝叟不作市城戀忻與木石俱何意謀自見邊隅尚  
傳警風塵暗寓縣前修邁高節豈為來者勸食薇可終  
身深期弭龍戰

哀哀我征夫遠役在邊戍雨雪忽載塗淒其歲年暮從  
戎始雖壯容鬢已非故甘心許徇國勲業苦難樹枕戈  
憤已盈孤征尚誰訴

比目折中路眷戀情所私浩浩燕與越驅車欲焉之別  
近恒惻惻別遠寧不思寄語室中人遠游非所期

昔聞詩與禮憶在過庭趨耳熟嚴訓及媿我昧反隅中  
道逢蕩折念此氣不蕪深惟素履願竊比逢掖符咄嗟  
歲月駛莫遂砭厥愚窮生貴殉義時流重進謏彌憐虎  
口脫敢冀蝸淦濡屢空中豈忤寧為未俗驅



魯連蹈東海却秦廼權宜戰國固多士卓然一見之余  
本寒鄉民韜居河之湄尚友篤嗜古深衷切自私一獲  
尸良晤如救渴與飢遐躅邈千載遺矩誠足追因之激  
忠憤媿乏熊虎姿  
濫吹誠竊祿哂此齊庭筭定從纔一言忝與碌碌俱右  
稱賢達人高誼耿不誣魚目固非珎竊混明月珠貴耳  
恒賤目把玩復自娛窮達有恒理敢昧待賈沽兵塵昧  
遐矚藏深復潛需

荏苒春又夏芳序不我延所思邈山海迢遞隔遠天寄  
書雲中鴈曠絕貽厥譽榮耀有衰歇寸心終莫遷如何  
結髮親負此桃李年朱唇揚妙音豈計終取憐當年紈  
扇謠安得今尚然燕婉懷哀傷願比金石堅躑躅下閨  
闈何由已悁悁

高牖照初日水木湧清輝拂拭朱絲弦山水調更微鍾  
子不我遇自與聾俗違無弦寄高興此意良未非折腰  
卑已辱豈是昧事機駿奔計已得邁迹非可幾



古道就蕪穢未流滋誑謫邈求竟何稽誰作復誰輟知  
愚雖兩致寧與較懸絕汙隆逐時變譬彼涼與熱朔風  
吹大漠夜作千里雪陰晴苦難恃舒慘一何別默悟元  
化工喧啾息譁說

惟昔事遠游發軔自茲始辛勤三十載倏忽一瞬耳未  
明轍環蹤竊究懷居肯祚運厄陽九歷稔未云已鄭重  
携挈心干祿為親喜出身忝逢掖殘燬諒非美多艱亦  
屢邁破陷輒中止自省幾寡譽所幸免譽毀遠別同氣

親听夕竟何恃於焉限陽朔曠闊非所擬相思只長慟  
一坐致頻起寒門嬰變故延禍及先妣腸裂五內傷憔悴  
復何似永抱終天痛不得返鄉里蕙帷擁虛位徒見  
字盈紙旅魂不可招痛絕真欲死忍聞屬纊言離亂念  
諸子  
層雲起遙空陽曦黯淪沒倏焉光采歇變化何倉卒窮  
居念離索終朝恒兀兀杪東寒氣慘凜凜傷飢骨煖律  
諒可回推遷任飄忽



襍詩四首

河宿爛宵分嚴霜歇芳物噤噤南飛鴈聲逐浮雲沒征  
 夫懷遠役戈船連暝發孰遣嚴程緩奈此苦寒月大布  
 不禦冬况值霜斷骨命微難自保去去冒馳突親知慘  
 別離割痛永相卹歸來良有期會見早寧謚  
 晨起淒風厲霜氣欲斷肌暄涼謹代謝推遷理無違念  
 我蓬藿居懸磬心自怡寢裯食列鼎遑卹凍與飢富貴  
 何足羨賤士安坦夷

巖城喧夜拆嗚咽嗚羌管清輝鑒檐隙挂魄光復滿秋  
 聲動寥廓邊鴻起撩亂榮茂就衰歇關河音信斷客寢  
 不遑安孰遣愁心緩

踈散已成癖杜門養愚蒙矯厲非素習甘此退與窮由  
 來方鑿資不與圓枘通孜孜為利者祇自取勞躬廉立  
 啟貪懦將謝夷惠功餘生苟可畢何須問汗隆

擬古十首次劉聞廷韻

逆節坻崇網橫潰肆狂畔宗主炳麟史昧此謀寧緩民



彛詎宜泯四維遽云斷疇能靖群凶未覺事功罕豈不  
念無辜憂來氣恒短卓彼一匡功其人獨稱管

騎射息芳辰餘閒端可卜戲玩足娛心轅門拋蹴鞠  
高齊浮雲式駭衆觀目將軍誇巧捷接踢最稱速噫彼  
暴殄餘窮欲未云足恢恢忱弗私惡稔禍胥促  
自從喪亂來東西安所之山谷弗可居浮海弗可期餘  
黎摩子遺中邊悉如茲藩維弛臣節不覲死獨遲遁辭  
尚可托徒勞播聲詩媿爾忝章甫哀號奚用悲

夷叔卓傑識時議駭且驚始也義形色終焉心靡平登  
山迹既邁薇蕨豈可生去余已千代昭然無隱情後賢  
昧厥旨較若失萬程何須重此文修辭費將迎

子房閔韓亡捷足騁高志修名列三傑式侈運籌事圮  
橋期屢失詎謂偶相值鍾姿良粹美神降會元氣明哲  
既保身聲名照天地漢楚茲遼矣隔淮泗飛鴻墮  
遺音云有帛書字

光黨著高節明王禮不賓藏深靡求銜高蹈豈無因商



嶺芝可茹楚澤蘭堪紉買斧事樵採茲焉畢晨昏伊人  
不守沔胡為乃栖筠俯仰終媿怍信罹遭與迤

負固擾南紀從昔著苗民虞廷一振旅舞干義常陳祗  
緣類莫殄宥此弗順身嘯聚仍黷武徒勞邏與巡網維  
遽云斷那能一朝伸玄端襲儒服亦復岸此巾徒守子  
雲學謾誇首陽仁投畀息羣憤毋令免斯人

世無柳下惠疇敦此夫薄全生已虧行奚用咨流落摘  
詞縱工麗未足裨述作邊廷馳羽檄擾擾夜喧柝流血  
川谷殷瘡痍曷清廓忠臣炳休光鼠輩尚安托

經德貴不回吾否悔寧晚老去莫知非瞑行亦亡返堂  
堂尋陽守重義知所本捐軀著忠節欲救天步蹇修名  
光簡冊不媿巡與遠爾獨戀鄉井歸心入私村安成不  
可即何計遂畊墾

謾補登山屐徒懷浮海舟孰抱樂毅才誰臥元龍樓往  
事成悒悒來今悵悠悠戈舸襍游卒川塗不可游疇能  
念塗炭積此已十秋人命亦可憐倏忽水上漚皇風被



九宇謳吟良不休

東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令

東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令

東風吹到西來令

東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令

東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令

東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令  
東風吹到西來令

吾吾類藁卷一

欽定四庫全書

吾吾類藁卷二

元 吳臯 撰

五言古詩

閔君鄉初度賦以為壽

高秋霽璇霄  
晨光散清朗  
結綺延輕颺  
瑞靄拂書幌  
垂

柳綠如縷  
芳塘闢前敞  
君子有好懷  
逸志青雲上  
炯炯

冰玉姿  
棲棲滌塵想  
詩書日以娛  
觴詠浹歡賞  
今辰屆

初度親友忻  
俱往庭中綵  
衣樂玉砌  
蘭芽長未契  
弧矢



占竟被章逢獎後凋表松柏貞質荷素養壽祉聿以崇  
修名溢穹壤

甲辰燈夕余僑居上泉先期府公留陪上官讌  
集是日值雨弗果如約因賦五言東府中長貳  
開歲苦連陰層雲晝恒昏投老溝壑迹依山原茲  
辰元夕臨孤坐掩衡門府公重時景華燈列前軒上官  
及同賞邀余共開尊自愧庸謬姿安可並與璠奈此雨  
如霰不得追笑言田父意頗懌語話勞温存深期早寧  
謚畔鑿賴兒孫忽動遠游感何時戒歸轅興言謝知己  
相逢難具論

病中七夕

清商初屆候庭柯振涼颼華月露光采彩雲亂歲蕤卧  
疴若無惊良宵心不怡堂前樹護草堂上髮成絲連歲  
稔兵革困阨病復滋嗟余蹇且拙智巧無銖錙磷緇莫  
或試堅白雅自持天孫嬪河鼓適與此夕期再拜叩天  
孫俾我遂所祈竟宵不得命孰易愚鈍姿方悟巧拙理



付命非所移所念罹厄運鍾禍亦存奇窮共劇于紀天地俱瘡痍天步尚艱阻何由睹清夷

初冬

南牖霽光入溫然敵春暘西馳萬扉景端居惜流光秉翰發藻思開筵進霞觴夙志豈終淹貧賤道其常素履冀無渝益堅寧敢忘鑿耕畢歲事熙洽忻時康

胡商用初度伊邇筠中貴游洎賢士友凡有意斯文者率詣賀商用壽親罷必觴友于家盡歡

乃已蓋其事親友友實關倫義非好德者之傳疇克臻茲也余先期還臨城弗與諸賢之未鬱中而忸怩有以也敬賦此以致區區情見乎辭

霜露零中野時菊吐幽芳掇以娛夙心清馨遠飄揚肅肅長風至湛湛天宇涼羣卉日搖落危綠萎已黃自非異凡品焉能凌風霜美人皜如玉瓊裾曳琳琅玄度冰雪瑩高誼摩穹蒼菽水怡親顏綵服升中堂何況當盛年才華擅詞場大藩著文獻爰淑俊造良慶門紀垂弧



賓親各稱觴媿余復行邁遠意不獲將申言勗壯志令  
德期彌昌

用古意答陳子常二首

美人在天末綽約瑤華姿青鸞采雲裏傳情欲憑誰  
而能好我柔扎遠見遺芳晨願相接莫待凝冰漸望望  
更延佇徒劇此心悲

步出城南隅青樓敞虛牖不見如花人所餘惟老醜問  
之盡俘虜無復資舒憂不意罹變遷奈此淹留久當年

恃才貌何處萎衰朽未能忘素心因之謝親友

答龔伯先病中見寄

新篁亞濃綠篔簹當前楹長夏美風日高居媚幽貞一  
札示佳什三秋耿余情枉此金玉音因之襟抱盈嗟子  
抱微疴問疾阻脩程遙雲隔曉望積雨夏氣清長洲兩  
河回通川一夕平發軔懷朝濟携儔逢宵征延覲攬我  
心遥遥若懸旌

答周恒四首



彌月困風雨竹屋蒼煙深紅香委濃艷半逐滄波沉坐  
念芳序改積念孰能禁故人枉高步隔巷屢見尋盍簪  
亦已慙况遺金玉音  
書樓瞰川上積潦煙波深歎逝展遐矚湛湛天光沉心  
知悵闊絕孰與愁悶禁不得共言笑迢迢阻追尋不啻  
山海隔何當接徽音

失意恒鮮歡來往暫相得敢忘磷緇戒而欲試堅白豔  
葩紛過眼徒有好顏色榮耀何足云飄忽如過客簞簞

媚幽姿相對可終日

晝坐蓬華居倏然忻自得既無高世姿徒欲守貞白蘭  
章枉佳句炫若雲五色多應紫霞裏嘯咏揖仙客而我  
嬰世氣相望片雲隔

右意二首答陳子常

蓬蒿栖獨鶴因此凌雲姿羽翮日摧頽顛顛當告誰烟  
塵徧六合雲路忽若遺于時盛炎燠斯須變寒澌當隨  
鴻鵠翔毋俾燕雀悲



衆女妬蛾眉深閣掩重牖臨粧抱明鏡孰與辨妍醜心  
焉誠怵怵撫景懷悠悠浮雲翳陽景焉能永終久容華  
耀冰雪豈得便衰朽筠松撫寒香貞質契三友

荅王仲義寄來韻

商郊沈老火清颺生夕涼芳蕤久銷歇高林又飄黃方  
嘆流運駛曠違親愛傍因知坎且止式悟舍則藏豺虎  
方構患何由際時康敢辭困躓苦貧賤理則常晏歲霜  
露滋誰念無衣裳申章乏瓊報深衷未渠央

胡宗性以詩見寄因次韻奉荅二首

積雪披徂徠蔚蔚蕃高松迴出霄漢上雲氣遙相通摩  
霄一白鶴獨栖如老翁忻言得所托相與何終窮惡木  
非所依蓬蒿非所容巢居足風雨矯翮隨蚪龍

太清薄雲物霏陰藹重霄經濟起才俊彤廷足英僚七  
貴五侯尊金印重縣腰權寵媒異患達生分漁樵操斤  
詣空谷垂綸傍深茗畢趣謝氛垢雪頂寒蕭蕭

荅鄧文學二首



秋聲起蓬戶高林喧夕風驅車涉遠道四顧誰與同揮  
杯別親愛沈憂劇心冲人生百年內聚散風中蓬豈不  
念時艱遽離鄉井中感予綢繆意持報憑歸鴻  
楚甸翳秋陰洒洒風吹雨涼生芰荷衣路繞磯邊鴨中  
道逢知己握手即相與名談折玄旨觴酒坐前廡定交  
忘淺劣秉德希前古何以惻深衷明發川上浦相望懷  
百憂平原多宿莽

周恒有喪子之感貽詩見志用韻之

玄鬢生素絲歲月坐來老昔陪金閨彥總羨謀身早  
遊帝王州卓犖懷竒寶經筵籍餘光獻納每稱好自是  
僮佺傳屢見如瓜棗歸來值危亂邦國鞠茂草間關重  
携挈何以豁胸抱弱子纔九齡恙作竟難保泉扃既深  
掩銜哀動憂惱生寄死若歸畢竟何足道喪明悲子夏  
何用苦顛倒但飲尊中物愁絕冀敲掃相覓寧憚勤聆  
論亦應飽

荅周恒



高抱瑩冰玉心清願恒違清晨抱琴出薄暮乃言歸宦  
游值喪亂頽仰萬事非暴橫日充斥未覺踪踪稀靖難  
藉英傑與子將疇依旌旆正翩翩駟馬亦駸駸殺氣薄  
原野亂餘民命微淹留匪懷土何能效知幾登車輪有  
角不殊困重圍豈不念鄉園重以音問稀青衫結飛鷄  
何用媿輕肥弱臂恨不羽徒羨歸翼飛艱危豈恒理及  
茲當息機

送人歸宜春

積雨麗初陽風花迹如掃舟回金鳳渚川光媚幽島湍  
驚峽束險春臺風日好歸情浩難遏攀卧耿懷抱君應  
卓傑識磊砢懷至寶作郡在令姿餘黎藉匡保薇垣展  
高步洒翰擣華藻偉矣經濟心欽茲芳譽蚤登賢屢開  
閣賓榻共傾倒嗟余交忝後瞻晤何草草惜別意已勤  
柰此千里道

詳袁州府志

悼友人

一坐凡數起忽動風木悲哲人遽云逝長慟涕漣洏儒



服起從軍慷慨無磷緇事勢一朝異不得以死辭贊畫  
入戎幕計術屢出奇經邦本仁厚豈弟澤下施眷余介  
叔末篤交類連技講明發奧義不獨書與詩敏借夙性  
達相於劇切俛人生百年中光陰如電馳蓋棺志未竟  
已矣非所期歸擬度蒼峽愁雲黯相隨凝竚湫渝水端  
令心不怡

友人簡大玄辟亂殞于沙湖痛悼賦此

興國實媒禍積惡况不悛無辜輒旁及性命亦可憐哀  
哉簡文學端居守吾玄承歡具慶下况值連與遭茲焉  
烽燧舉奔竄理所先愴惶昧聖訓未省戒涉川舟掉竟  
失利忽墮飢蛟涎良友奄長逝臨風一潸然

觀水泛二首

巨浸日湯湯通川類溟渤憑高極遐瞰一夕洲島沒洪  
濤勢澎湃混漭去超忽瑣瑣蝦與蟹出沒鼃鼃窟焉能  
測變化點額詫奇物

新畬東作早原陸漫黃潦展力未遽勤楚麥病泥淖玄



冥會天意卷迹亦應好方抱艱食憂餘生殆難保

過鍾山峽

過却虎頭灘又上鍾山峽逶迤一蹊轉萍落羣峯挿帆  
衝嵐氣斷掉妥天光雁因知造化心峙流成吐納

九日郡侯燕集席間率然之作

杪秋風景美芳辰屬重陽藩侯置高會賓客滿華堂涼  
颼觸軒檻清醪泛羽觴鮮肥既入饌殺核具見嘗入幕  
盡才傑煥然圭與璋蹇余忝文學復此叨寵光上官秉

謙德高度涵汪洋禮意况周洽勢位俱能忘坐使凋瘵  
愈潛欲移披猖考績見稱述奚專古循良

教城初春貽劉豫父羅士章

客舍傍蘭皋川光迴杜渚教城屆初游景物何容與流  
峙莫名邑羣彥敦前矩飛躍隱至情山雲籠近塢輕颼  
激軒檻香逐靡蕪吐暖霧結餘陰溪面洒微雨良朋忽  
覲止未見心已許展席坐終日雄辯襍今古論文會至  
理剖析到毫縷聆此謦欬餘覺我沉疴愈相看謹時禁



不得展尊俎二妙時往臨因之快瞻睹

投臨守

鳳渚暖春雲官船初報上長焱素濤涌平津錦帆漾遺  
黎藉誰弔稔禍劇凋喪郡封勞屢拜清譽愜時望不資  
敏手功塗炭何由仰宦游徒老我且乏慈闈養願推錫  
類仁孤寒釋悲悵

呈筠守

錦川何瀾瀾文湍漾寒玉雉堞出雲間逶迤迴相屬譙

門深甲第冠蓋如雲矗賢哉二千石出守稱良牧推仁  
撫凋弊布令一何肅心焉懷豈弟聞譽藹前錄蹇予遠  
游倦先睹共追逐自是星鳳姿因之駭羣目

投郡守

時雨澤羣物秋旻豁晨瞻適游通衢中軒蓋何崇嚴上  
府開甲第駐此帷與襜共訝五馬尊還誇叔度廉勤政  
復推恕遐邇澤畢沾粵從眎事初頌聲藹閭閻田里遂  
耕鑿坐使愁嘆恬承聞起深獎矧復德秉謙才堪鼎鼐



寄作郡終豈淹揆予就衰朽素標日已添展晤懷闊略  
抱此媿負兼一割自貽慙誰謂鉛刀銛

逢練伯尚

花雨泛春濤鳳渚停歸艫疇昔記分袂顯隱迹兩殊詎  
意十餘稔復此仍躊躇各訝容髮改咄此歲月徂方辭  
贛石龍又駕建鄴車巧逢豈常幸衰然領時需行邁感  
離思永言致區區

贈朱逸人

達士適權宜辛勤濟艱危豈無林與丘那自避迫馭携  
挈不遑止眷此妻與一作若孥幸不失鄉井畊鑿性所娛  
忻言耦沮溺避世邁厥趨吾儕重外匿顏厚遠故區敝  
廬燬兵燹疇能理榛蕪承聞起深羨永矢臻良謨

贈別

挑浪汎通川朝來霽花雨錦帆官舫發解纜鳳凰渚故  
人瓜代及執別何容與商車勞會斂經費寧無補風花  
攬離思繾綣傷情素多應騰薦剡香染薇垣露彤廷急



才彥促入青雲步去去勿滯留何時展良晤

贈邵瓜隱

冠蓋慕丘壑乃知羸已顛無何代遽草允悟機所先種  
瓜傍青門高名與代傳于焉千載後再覩令緒賢承明  
獻策回瀕察探幽玄芳圃何深深瓜瓞亦綿綿說擇引  
遜栖讀<sup>書</sup>糜歲躔高識展弘闕妙蘊徹微淵雲端揖白  
鶴矯首睨飛仙

贈盧仁本二首

衛生苟失宜遘疾信良苦矧乃睚眦間失治爰成瞽高  
人燭其秘妙蘊希前古金膏鍊神液一筋羣盲瘡抹療  
收全效芳譽藹區宇心目理一致昧者乖賦子孰知瞭  
與眊君子無謬取何當拯其迷開明豁瞻睹

雙瞳貴瞭瞭眊瞻聿以明一起睚眦恙因之矇眊并昔  
賢曾憫此抹葯著深情良效衍劑<sup>方</sup>收功久垂成盧醫燭  
燄閱遂擅高藝名鄉邦負疴者累起數千盲吾聞起嘆  
羨實茂副燄聲幸為開衆瞽永資輸廓清



過茶鹽鋪

永路自迢迢嘉苗方濯濯脩條夏翁鬱炎景晝蒸爍遠  
游懷道暘離亂傷飄泊停車青楓林涼洒縐絺薄挂冠  
花氣馥掃石松針落茅屋山犬吠前瞻路綿邈田家有  
新釀相與共斟酌單居懷所親惻惻念離索

中秋夜讌次韻訓彭鏞

素節薄殘暑涼宵璇宇清翠梧溥玉露瓊樹綴雲英前  
除皓采發東溟素蟾生銀漢晶澄練珠斗燦垂纓綺席

羽觴泛寶鼎篆馥輕對景思洽友承寵屢專城豈弟竟  
初志撫字惻深情才子賦尤美野人思徒盈昏晤良不  
數一言安足并怡親在終養一作乏感此非違榮自顧

豐養

味前筭寧能遂遐征宦游念流落時風重縱橫不得共  
談笑徒茲仰高明暫湏安蹇拙焉得渝忠貞

贈道士

光黨炳清節穉也亦其倫邈焉百代後孰與計屈伸蹇  
余邁多艱携挈適至筠忽值羽衣客宛若太古民自言



肩南州秉心希隱淪還如吳門卒敢冀下榻賓警邏詎  
云汙官達多畏人丹丘意所戀商顏心所親妻子何足  
念冉冉謝世塵聞余愜素願接以警欵類跨鶴入寥廓  
天風洗衣巾

瑞芝詩

二氣鍾竒秀嘉瑞產渝川九莖呈異特五色何芳鮮獻  
迹自幽曠含榮挹清妍揚芬逐微煖管笛轟蒼煙凡卉  
豈其儔靈茁故所傳迴脫榛莽區遽隨冠蓋前臬府此  
分厯宏綱方布宣至和斯有感至理固其然發施良得  
宜凋瘵必可蠲休徵屆寧謐四海同堯天

臘月二日戲綵之樂

冰霜王凝返玉衡迴杪冬斯晨集懽宴戲綵庭闈中十  
年兵構患不得展從容迹竄不遑息喜懼積心忡童稚  
襍稱觴拜頰貌有顛親顏怡且和壽祉宜增崇焉得樹  
諼草笑卧南山松

奉荅大兄來韻二首



喪亂傷流離每泣淚如雨父母葬兩塋弟兄各異土既  
辜連枝榮未免折薪苦眷令縱高翔難越關山阻雖謂  
他人昆卒莫向余語其然豈其然所愾在荆楚  
桑田昔變海城市今為墟亂象一何似承平百不如黍  
役得無咎遺恨終有餘既乏負郭田安念樊邑廬所歷  
盡艱險能不懷欷歔三代多變故春秋俱不書返古欲  
謾紀援筆仍躊躇

新秋夜坐

華月出雲衢流輝庭之隅荒烟生遠樹涼吹落高梧苦  
悲白日短不知清夜徂

代送上官

紅旭麗春城晴檐融積雪流雲層宇淨陰沴頓消歇官  
河裊垂柳金縷穆穆發華艘泛蘭渚忽報上官別綢繆  
曷由展官柳恣扳折多君膺寵眷行色念倉猝春濤泳  
晴泚載此川上月明發扁千里風颿去超忽相望耿懷  
思川塗渺難越



送清江彭士雲

君來秋暑初江月漸清好滄洲十日客水石發幽抱荒  
荒西關路驅車入秋草得我何足論詩成各烏帽西風  
野花明斜日江樹老舉手復取別何年重傾倒人生誰  
非客恨我歸不早飛飛南國鴈離愁滿晴昊風帆鼓聲  
急輕舟去如掃

題李尊師松竹梅卷

翠篠凝烟碧蚪髯拂雲蒼寒芳守真白粲粲浮清香秋

冬凋卉葩高姿凌雪霜空山澗塵俗幽懷堪詠觴托交  
亦云堅寥寥肯相忘况乃在春谷子月萌初陽披圖忽  
得此緇塵欲生光羣彥綴佳什煥彼金玉章契茲歲寒  
念交道期彌昌

茗篇

瓊樹吐芳鮮敷榮麗陽景金芽靈液滋玉蕾謂丹穎孰  
掇閨苑蕤飛度碧雲嶺綠塵揚玉臼鳳髓團金餅瑶甌  
凝紺靈沸溢神丹鼎甘踰仙掌露啜以發清醒輕飈洒



毛髮振袂蓬萊頂羽輪須我駕忽縱雲螭騁君子煉忠  
赤懇款摠誠敬明水醮仙官應宜受天慶

題劉善卿竹逕

簞簞冰雪姿謾謾歲寒節不有真雅操曷足匹高潔伊  
誰富川上植之當壚列翠偃蚪龍妥玉戛饑鸞頡逩徑  
繁陰清敞曠驚飈冽景賢攸好德瞻淇爰企哲遺榮乃  
尚素怡此詎非傑林居謝喧襍畢與塵鞅絕造焉蔑其  
期何計已中熱

題鄒伯顓竹雲山房

余生慕康樂孤游訪其蹤建城未一詣念此心冲冲鄒  
君居是邦植筠當列壟翠拂霄漢密陰圍窻戶濃吟嘯  
清風裏裴回碧雲中摘實待饑鳳交枝化游龍結此歲  
寒友虚心誰與同山人讀書罷把酒澆竒胸焉知世事  
變戈甲懔洊逢丈夫抱竒節相與保初終

感興四首答美和

極備懼貽譴淒淒度寒颶長夏雨如霰中堂欲成池孰



濟李膺舟屢下董生帷擬步殆如漆涉潦靡所之美人  
懷蹇脩展意欲藉誰婉變如可即乘鸞出雲螭  
暄涼悟推遷今古一朝暮仙人盡妖妄何必懷異趣吾  
觀聖賢人汗隆以時度懿則一云炳啜彼馳且驚君子  
貴修省孰謂營近務焉知謬知謬毫釐千里殆難訴  
邦國控上游從昔建戎幕孰明倚伏理頽仰一今昨當  
時豪俠儔意氣俱淪落負固接名區徃徃成犄角侵掠  
歲不虛及此廢裁酌誰貽招隱篇敢效七人作

脩然坐環堵載籍竊自娛良友曠不接心埃曷蠲除貽  
我金玉章慙此晤語踈亟誦輒心醉何必謀市酤中意  
劇欲宣殷勤致雙魚雙魚不可致眷此終躊躇

正初始晴忽雪即事

晨光動衡宇攬衣下前除因之出門去巾履襍軒車營  
營道傍者亦復相銜趨米薪涌高價無論挂與珠柰何  
變陰沴雨雪忽載塗力役未遑卸矧被寒餒毆四郊信  
多壘何由保寧軀



答劉伯雍致書

暄涼謹恒序  
遽見更裘葛  
炎景告徂遷  
一瞬遽秋末  
春游鳳山渚  
別去嗟何闊  
良朋致雙鯉  
慰此饑與渴  
荷衣儒服老  
桂子秋香發  
延竚耿懷思  
孤雲去超忽

徐文哲邀飲因賦詩東在坐君子

升陽煦初景  
微陰忽復開  
衡門常晝掩  
客舍環蒿萊  
擔隙童稚喧  
報道高軒來  
承接未良久  
邀我同尊罍  
四坐列珪璋  
俱抱照乘才  
媿余蹇劣姿  
得與先達陪  
道同志愈合  
語洽心悠哉  
芳讌未及終  
白日西南頽  
歡會良難再  
劇飲性所諧  
主賓盡百拜  
禮意仍兼該  
感深情莫喻  
短章為君裁

寄李員外

湖光灑餘春  
棟雲霏潤淑  
臺觀表層城  
甲第入煙霧  
夜瞻玄宇淨  
近斗龍光邃  
泉阿炫神怪  
上徹雲采互  
何用沒重淵  
妙合天所措  
故人偕顯擢  
太府列清暑  
眷余屬末契  
闊別耿情素  
况乃顛沛餘  
曷使寸衷露  
微辭致悃



勤何由展良晤

又

愧無卓絕識出身忝儒流  
宣鐸謬承乏竊獲依前修  
省已重懷忍荏苒三十秋  
艱危起中道惻惻罹百憂  
殷勤奉慈親跼蹐滯遐陬  
兵革荐相蹂歲月急若流  
故人仕華省觀止亦靡由  
豈值雲泥異顧瞻非匹儔  
染翰展哀曲高篇希見誨

又

亭亭谷口松鬱鬱挺修幹  
冰雪表貞度偃蹇倚霄漢  
瑟瑟瑟鳴長飈栖彼雲飛翰  
君才當柱石大匠邁玄算  
彤廷集髦彥摘詞裨渙汗  
揆余忝章逢淹迹集童冠  
無由抱光儀因之濟危亂

又舊作寄李員外

歸巍聳臺觀乃在水雲間  
崇瞻屹砥柱高風激塵寰  
湍泳石梁妥霞飄窻戶閑  
歷世邈云遠逝蹤喜可扳  
名都闢華省郎署列清班  
高度瑩冰玉何由希今顏

受亦云  
偃逝或



作  
慙

七言古體

次蕭揖過彭原理原韻

溪中荷堪製衣溪邊樹珊瑚  
枝時風輕士緣贖武故人  
於我能相知曳杖閒尋深  
隱處秋水芙蓉池上路裁  
詩染翰洒紫煙點易研朱  
瀉清露得錢沽酒待客來  
種玉耕烟遣龍去不知玄  
霜搗熟玉兔更有情風濤  
撼醉但覺十里聞松聲

鼓板曲

又名棹  
孤舟

吳山越女嬌於春西湖晴光  
搖煖雲官隄垂柳綠明媚  
名園艷卉紅網緼秦樓管絃  
百花裏過雲雅調樓中起  
時見江妃乘素鸞忽逐仙人  
跨赤鯉朱闌翠檻隱約連  
平湖綠荷菡萏一片蜀錦紅  
模糊畫船蘭棹蕩漾游貝  
闕銀濤紫霧彷彿迷蓬壺蓬  
壺仙應見招天吳紫鳳來  
迢迢采裾光射蛟人綃擅板  
輕敲催玉簫鼉鼓逢逢停  
翠撓疎篷洒沫槃珠跳好風  
折竹鳴瓊瑤碧玉樓頭韻



初調含宮嚼徵聲寥寥似向天上聞簫韶雲鬟霧鬢滄  
波搖水精宮裏薰風飄武陵仙棹同相邀鳴榔擊楫乘  
春潮一聲欸乃穿雲霄共喜四海煙塵消賞心切莫辜  
良朝鈞天妙韻最風流天上仙音世上留見說西湖風  
景好錦雲深處掉孤舟

擬天上謠

仙人御風朝紫皇宮衣夕染紅雲香露華溥溥桂花濕  
銀蟾咽水宮漏長天風吹斷鳳簫引玉珂聲遲仙佩冷  
銀牋染翰墨色光冰硯生雲舞龍影歸來悞落長安塵  
宮花猶帶瓊林春南國烟消新雨露紫微花開玉堂曙



吾吾類藁卷二

欽定四庫全書

吾吾類藁卷三

元 吳臯 撰

五言律詩

別吳立敬

共有同宗契高名夙所欽班荆初識面促席一論心謾  
引煙霞興永懷金玉音苦緣歸計促不得重追尋

九月二十八日與吳立敬初別途中聞雁有感  
之作



落木蕭蕭下寒聲動夜分天連沙戛雪月暗楚川  
雲書杳兼愁積燈昏和睡聞南飛正嘹唳相失似離  
羣

宮粉茶

粉面試宮妝多情媚夕陽好風褰翠袖輕茜着  
霓裳丹液承春淚彤霞逐暖翔何年辭禁苑相對莫  
相忘

夾竹桃

楚楚艷仙姪臨風一粲時濃香分翠佩輕茜感紅粧高  
節應難並芳心空自持漁郎回棹處疑是向來移

舟次分宜憶趙用文

山勢應如戟川名亦號黔橋回波湫湫縣僻樹纖纖歲  
晏鄉心切愁多客思添故人歸隱後真復似陶潛

送客之上泉

潦泥雨脛沒日暮厭途長橫吹春鉏起頽墻薜荔荒殘  
紅殷宿雨膩綠試初陽過我幽棲處村墟舊市傍



過纜艍橋

溪山踰絕險，伐石甃輿梁。僅足濟行旅，寧堪纜去艍。舊壘山中樹，新畬畝內秧。廢興增慨歎，題柱墨淋浪。

盆池菡萏

越女采芙蓉，羅裳葉色同。移栽甘露瓮，持獻紫珠宮。美譽隨芳步，清馨逐便風。相看塵慮滌，吟好近簾櫳。

紅梅

畫闌圍絳雪，羅韞絕清塵。豔骨朝酣酒，濃香淺帶春。翠

屏寒影瘦，鸞鏡曉妝勻。莫聽樓中笛，新聲故惱人。

投龍淵

川谷自逶迤，崇祠立水湄。神淵雙歛合，靈雨碧雲隨。野老來邀福，行人但獻詩。我來戈甲滿，何計已艱危。

憶東湖舊居二首

問我歸歟日，茫然未有期。十年經戰伐，六合尚瘡痍。川暝滕王閣，雲深孺子祠。向來幽隱地，陰燐晚風悲。不到東湖上，相將又十年。道邊皆甲冑，城上暗旌旃。落



日歸心絕寒空殺氣填無由問親舊翹首一潸然  
次穆文學夜坐韻

班荆掩夕扉竹攬觸風微破月穿雲過驚鳥匝地飛交  
游垂末路老大可深非儼謝時人去持竿坐石磯

白菊

寒卉簇幽芳冰姿學淡妝浴神辭貝闕月姊下雲房不  
厭清霜重寧甘素節涼翻傷紅與紫飄墜委春陽

宜春臺

三峽恣游覽臺觀倚層雲雉堞春城矗虹渠楚甸分山  
川遙歷歷戈甲尚紛紛忽見孤征鴈南飛念失羣

東籬采菊

老圃嗟搖落寒香品獨高惟應足烟雨終見異蓬蒿藜  
浥金莖露英浮玉斝醪昔時彭澤宰千載自風騷

五言長律

次韻賦疊葉梅

羣玉姿豐潔盈盈一粟饒妬蟾分瘦影舞雪助多嬌瓊



液朝勻粉冰裾夜感綃神凝秋水淨香逐好風飄金屋  
應堪貯銀牋信可描若憐霜露墜尚憶雨雲消清賞曾  
連夕相思劇此宵也知美實美翠釜暗中調

次韻賦蚌蛤

持辨高游鷓寧知類鵝鵝游淵時出澤逐浪却歸湖孕  
采冰生骨涵柔雪沁膚水居蕃臣品物類眇微軀宅阻  
疑懷寶藏深或毓珠身辭川上穴饌入几間盃妙韻螺  
堪並高標蠟竟殊庶羞慚異味一齧勝新酥龍醢曾傳  
美魚羹未足腴秋風吹倦客莫憶故鄉鱸

七言律詩

送人之金陵

采鷁雙旌去似飛賞心亭下錦帆歸登樓意氣卑王粲  
作賦詞華擬陸機采石荒阡春草碧金山古寺晚鐘微  
三邊此去風塵靜戰士從今解鐵衣

貽贊吉沙澹齋

吳雲楚樹引行舟澗澗官河萬里秋川上夕陽鴻鴈侶



烟中荒草鳳凰洲  
秋風斫鱸思歸去  
夜雨篝燈憶校雛  
見說草玄頭欲白  
却憐投筆早封侯

上泉道中

雲葉離披晚更垂  
征車衝雨赴歸期  
路長已覺兼人困  
命薄何須與賤辭  
幾點水螢依廢井  
數聲山犬吠疎籬  
桃源自是風塵少  
應有親知惜別離

殘春感懷

辟地携家客上泉  
留春無計只空憐  
閒門花落終朝雨  
深樹猿啼欲暝煙  
南國戰爭殊未已  
中原消息謾空傳  
向來記取麻姑說  
滄海于今總是田

次韻

佳辰未有好懷開  
隣巷仍聞野哭哀  
征騎盡隨戈甲去  
飛鴻不帶帛書來  
空憐世事棊千變  
謾逐愁腸日九迴  
誰道廣文官舍冷  
菊花從此政須栽

秋水芙蓉照晚霞  
至今幕府羨才華  
祇知對酒曾留客  
復憶登高醉插花  
令節追遊成一慨  
美人遲莫渺難涯



高軒日報過蓬篚貽我新篇意總佳

蕭騷危綠動涼柯幾度臨風憶礪阿淺淺青莎幽徑出

踈踈黃菊短籬過吳雲楚樹情何極秋月春花興獨多

長是飄零積離恨滿懷歸思欲如何

霜氣搖寒萬綠凋官河揚柳日蕭蕭巾紗脫醉斑潘鬢

帶革寬圍瘦沈腰胡鴈影沉雲拂曙楚猿聲斷雨連朝

白衣肯送尊中物何用飛書遠見招

次袁義方韻

路入吳溪數里餘森喬木故人居養成松頂將雛鶴釣

得搓頭縮項魚走馬從戎朝試劔囊螢教子夜觀書梅

花開到南枝後報道新來有近除

病中懷表姪

月轉西樓屢缺圓別來容易又經年客從遠道持書去

人向高齋臥疾眠亂後最知貧有力愁多翻覺酒無權

相思此夕勞清夢長在騷塘別館邊

用韻貽周恒



春風華館重留連  
悵望幽期好信傳  
為客自憐彈劍缺  
放懷曾約掉觥船  
誅茅喜結雲根屋  
洗硯仍分石罅泉  
不厭臨池頻洗耳  
清風為我奏松絃

別張伯孚

溪水涵秋湛碧天  
溪頭話別意茫然  
總憐後會知何日  
寧計相逢謾隔年  
脫穎宜居毛遂後  
看鞭未讓祖生先  
亂來擬步真如漆  
見說干戈滿道邊

寄歸學士彥溫時寓夏縣

老筆文章史漢間  
喜聞華髮映朱顏  
司空舊隱王官谷  
開府今稱瘦子山  
一色黃金丹竈火  
十年清夢紫宸班  
與君歲晚方相見  
久辦歸田疏乞還

過傅公亮

林樾塘坳草結廬  
幽人築此賦閒居  
清吟屢賞白雲調  
遠遊却載青囊書  
霜筠實憶飢飛鳳  
碧澗波潛變化魚  
結隣已爽從來約  
傾蓋何時定與俱

過王仲義



雲表松高白鶴飛  
竹迷深巷掩柴扉  
階前瑤草抽書帶  
戶外青山入講帷  
琴酒不同風雨夕  
烟嵐長滿薜蘿衣  
謾勤招隱傳芳札  
珍重高情與世違

贈宋隱士

誅茅見說向雲邊  
案上時鳴別鶴弦  
晴嶠采芝秋悄悄  
夕軒酌酒月娟娟  
閒門地迴人歸掩  
坐榻塵清客去懸  
我政多情念鄉井  
可能無計戀林泉

過李國器居

綠樹含烟水繞門  
門前幽徑遠通邨  
落花滿地雨初過  
新籜綴林風欲翻  
午醉半醒清晝永  
晚晴未穩碧雲昏  
高胡近在吳溪上  
還且相過共討論

送別

蘭槳輕搖下峽船  
相思不得共留連  
春聲蘆渚漁家雨  
暮色荊州客棹烟  
帝子長洲雲渺渺  
王孫芳草思緜緜  
每從行輩推高誼  
重犯汪洋萬頃淵

寄題盱江甯漢章水雲邨老牧



島嶼疑通海上波來時共約片帆過石梁落月懸歌樹  
沙鷗晴烟接細莎醉裏謾彈鶩鶴操夜闌聽徹飯牛歌  
故園報道荒三徑準擬相從看短袞

題周存義雲谷圖

山下青松山上雲吟鶉歸路野橋分晴天翠壁澄餘滓  
落日香爐生紫氛鳳詔早登東閣士鶴書空誚北山文  
輞川最擅當時美新製從今溢舊聞

戲和銅卧佛韻

範金成像不勞鑄自是虛中骨已仙柳絮沾泥猶是幼  
蘆芽穿坐本無眠遠將法力流中國空相精魂入梵天  
隱隱禪宮潢水上蒼烟古木噪玄蟬

與表姪語舊之什

火雲凝晝景初炎塵征裾汗雨沾野店荒烟殘戍在青  
山白水一程兼風塵浩蕩身如寄詩酒踈狂迹共淹  
深感平生別離恨吳霜應向鬢邊添

和黎伯父



碧流丹嶠映層城共喜風烟旦暮清  
杜宇落花春又晚  
王孫芳草恨還生  
懷人鎮日看雲臥  
感別終宵步月行  
慙媿故人鷄黍約  
晚菘新摘饌晨羹

和文雪印

官寺客堯入望連  
曉聞鐘鼓向晴傳  
乘閑擬坐禪公榻  
艱糴纔通賈客船  
城下波濤生蜃氣  
斗間光采隱龍泉  
落花門巷朝朝雨  
清潤斜侵案上弦

荅周恒三首

道邊厭見尚持兵  
客至何妨倒屣迎  
蠹簡荒涼偏有意  
雁書迢遞豈無情  
獄中誰掘深埋劍  
案上空存未棄檠  
貽我好詞愁擲地  
縣知字字作金聲

鴻爪曾沾白雪泥  
紛紛世事苦難齊  
百年身向閒中老  
八口家從亂後携  
南館暮歸扶短策  
東菑朝餉熟蒸藜  
避秦最說桃源好  
行入花間路欲迷

馮鈇初從館下辭  
京華夢入少年時  
撫心不墜青雲志  
扣角徒歌白石詞  
畫省貴游時入座  
紫霞仙客日相隨



何時結伴携鉏去且向雲間學種芝  
答黃明禮  
果患涼入卧痾痊一度相思一惘然  
白雪有時騰雅調  
采毫隨意染長牋  
燕鴻陣接雲邊塞  
楚客帆開雨外川  
不得相從徒耿耿  
幾回停策晚風前

壽郡侯

玉殿親曾被寵光  
重來人倚舊龔黃  
甘棠館下閒春晝  
玳瑁筵中引壽觴  
紫氣夜連珠斗迴  
雪詔晴逐碧雲翔  
殷勤併致千齡祝  
弘濟深期遠業昌

荅周恒二首

鄰燭光分別館  
低空踈尤媿借書癡  
登樓意氣增新慨  
隔巷弦歌似舊時  
駟馬高車門外客  
長纓大帽里中兒  
故人一日三秋意  
願倩雙魚寄所思

常何不草荐賢書  
酒市新豐迹已踈  
瑤硯硃分紅瑪瑙  
金莖露滴玉蟾蜍  
清尊晚酌登臨後  
絳帳涼生講誦餘  
相覓極知良不數  
近來多病學相如



荅蕭揖并東教弘道二首

隴雲溪月共綢繆一別心知重隱憂洗藥綠池懷舊業  
抱琴璜里記初游黃花巷陌家家酒紅葉坡陀樹樹秋  
不用臨風苦相憶垂楊都不管離愁

長蓋渡口幾裴徊摘抽林間一徑迴傍磻汲雲晴滌硯  
掃階邀月夜擎括遥持白雪新裁寄自寫烏絲醉展開  
莫說從前興廢恨銅仙清淚不勝哀

荅權建中

揚柳臨風縷縷斜絕憐牽恨到天涯桑田又見成滄海  
華館仍聞抵白沙翠篠色迷芳徑檻鳳梧陰轉碧窻紗

只今無計消炎燠準擬相從賦雪車

三聯一作愛月醉  
眠高士榻耕雲學

種故  
侯瓜

荅孫煥文

清談見說屈羣公遠賦新吟托便風魚素徃來勞扎牘  
龍脣拂拭動商宮論交最恃親知密持報難諧語意工  
顧我杜門頭欲白守玄終日竟何功



答何伯遜

杏折輕紅綴煖英長松作柵固山城客來陋巷回高步  
鵲噪衡門報喜聲銜袖文成知己賦題屏書覓訂頑銘  
明朝須向春山裏吟倚東風別恨生

答周逸謙

慵倚東風酒力殘樹頭盧橘熟金丸寧知遠意千重厚  
得及春心一點酸丹嶠築雲開石室碧牋題字界絲闌  
詠歸獨契風雩樂童冠相從到杏壇

又

手閱雙金感佩心至今清譽藹儒林閒門夜月深蘿薜  
函丈春風集佩衿遠道終懷千里足高山空奏五弦琴  
相思縮地嗟無術聊復長吟更短吟

答劉永之寄來韻

苦厭兵塵連上國每虞板蕩似東周因風寄遠空傳素  
愛月牽情重倚樓覽國無由回去鳳論文說似解金牛  
山田恐近桃源洞兩載移家出近州



贈朱逸人

蘭皋香霧撲層灘  
擊檝長歌坐舫間  
舊約竟辜銀錯落  
新來遥致玉連環  
天涯別恨心如折  
鏡裏愁顏鬢欲斑  
此去絲綸常在手  
釣魚沽酒待君還

次周存義元日書懷

北堂春日淨暉暉  
護暖初萌綠尚微  
展覲殷勤宜綵服  
承歡次第出書帷  
歡娛暗覺年光度  
志願殊憐老大違  
空信乾螢留案上  
至今寒燄吐餘輝

清隱山房

承聞舊隱清溪上  
見說溪邊景更幽  
紅樹不關秋色老  
碧雲如護晚山稠  
軸藏玉唾詩千首  
架插牙籤書滿樓  
尚想元龍豪氣在  
重來應記舊追遊

題碧虛游卷

萬里迢迢楚越分  
遠游最羨碧虛君  
西風禹穴會稽道  
落日舜泉蒼梧雲  
蓬萊有路騎鯨背  
珠樹逢仙借鶴羣  
留取青囊貯玄理  
可慙無計躡清芬



寄崔建中

沂上晴峯隔岸遙  
官河秋樹日蕭蕭  
書回南館人千里  
花發東籬酒一瓢  
夢覺眼看梁月落  
相思心逐暮旌搖  
回轅肯過衡門下  
知是毋煩折簡招

寄朱逸人

畊雲還傍水邊村  
遲我携琴過竹門  
萬里邊風飛紫鴈  
五更山月嘯玄猿  
銀牋未展殷勤意  
翠袖先傾潑灑尊  
別後相思無處著  
一時襟抱

舊作一首寄李國器

水複山重路更紆  
覓魚憑鴈致區區  
異鄉對月家千里  
客館篝燈酒一壺  
老去多情懷舊侶  
夜來飛夢過高湖  
銛錐已擬干將利  
不羨防身丈二戈

寄李伯昭兼東守吾

仁里曾聞好辟兵  
故人於我費逢迎  
落花風雨殘春酒  
遠道東西倦客情  
珍果引苗懸翠檻  
乾螢分燄上書檠  
西齋自守吾玄在  
甫問仍煩寄一聲



寄王魏堂

竹門深靜宜高隱，書榻從容憶借眠。  
銀燭醉酣曾共刻，采毫吟就已爭傳。  
鴈霜寒浸蛟湖月，鷗雪晴翻鳳渚煙。  
每欲因風修一札，渴心常逐暮旌懸。

寄饒一麟

占鵲衡門喜信傳，相思心逐曉旌懸。  
承聞高步趨華省，猶記行吟向錦川。  
帝子宅連霄漢上，龍精光射斗牛邊。  
硯池春浥薇花露，點檢雲篇筆似椽。

寄表姪李國器

落花風急雨連朝，凝睇城南萬里橋。  
人去拓湖勞問訊，路經蘭渚擬停梳。  
詩成更貰芳尊酒，月滿疑聞別館簫。  
顛顛共憐歸未得，道邊戈甲氣猶驕。

寄人

路向西城郭外紆，別時扶醉出城隅。  
好風不肯飛雲朵，清致何由灑露珠。  
碧沼香蕖紅霧濕，畫闌涼篠翠陰鋪。  
山重水複徒延佇，回首那堪日又晡。



寄張與學揚觀我

別酒頻斟醉不辭  
游絲飛絮落花時  
心銜別鶴殷勤意  
賦就鈎輈絕妙詞  
屋外雲林高隱映  
溪邊魚鳥共追隨  
故人招我歸來好  
應向山中覓紫芝

寄揚國賢

案上玄經沉燕泥  
屋邊煙樹與雲齊  
錦囊佳句逢人寫  
白柄長鑿采藥攜  
高閣晚憑瞻紫氣  
虛齋夜誦識青藜  
徃時頻過璜溪上  
停策相尋醉不迷

寄周逸謙

短轅遙度碧山峯  
華館秋清翠靄侵  
石徑雨添蝸篆迹  
松軒涼奏鳳笙音  
閒居最羨人如玉  
老圃猶存菊鑄金  
一寸相思意千里  
書郵誰復計浮沉

寄周恒彭鏞二首

詩逋酒債老來狂  
城廐通津館宇涼  
負氣干時常挾策  
携家作客不齎糧  
月技永夜號烏鵲  
虹渚幽期浴鳳凰  
遲我持竿滄海上  
筆林茶具學鮫郎



湖邊結構竹門新湖上垂綸老故人  
鬢泮急才推異等彤庭飛詔起儒臣  
長飈會展摩天翼巨海終歸縱壑鱗  
我政多情頭欲白莫陪章甫作諸賓

次黃惟節韻

碧雲連暝作輕陰門巷蕭蕭草蔓深  
哀狄遠啼煙際樹飛鳥猶匝月中林  
青衫有恨塵空浣黃菊無情酒莫斟  
政此滿懷幽恨積一聲霜竹起龍吟

次裴伯升韻

巷隔城闌接鴨西當門花竹自成籬  
堂中鶴髮斑爛服按上烏絲絕妙詩  
煖翠陰迷春寂寞怨紅香褪燕差池  
明朝更有重來約命駕應知不負期

到荷陂不及與宗海會

別去兩年頻問訊來逢重午又休齋  
屢從橋背謀相訪一會陂頭竟未諧  
秧腫綠肥千畝合柳營青入兩山排  
縣知明發歸心切契闊無因有好懷

次揚觀我韻



年前遠作山中客亂後新移郭外家僻靜卷寄花底曲  
迂回路出竹間斜山雲作暝低含雨渠水流春淺浸沙  
却怪書窻阻相覓草玄顛顛度年華

三月望日偕諸儒詣邑丞

我方畫困無公事忽領同流詣武城茂宰高情推獨步  
府公清議協群英冕旒端拱王章貴籩豆周旋祀禮明  
繇茲自今煩講習只令無媿魯諸生

懷友人

多壘鏖兵歲不虛青衫總媿宦遊初自從別館曾分手  
却慳經年不得書游說始憐蘇季子卧疴終類馬相如  
相過屢下樓中榻猶記青山郭外居

次裴伯升懷胡居敬彭九溪三首

玉峽蒼蒼隱舊家歸來清夢落京華幾時共聽西窓雨  
三月曾看上苑花雲朶因風馳近况雨芽烹雪試新茶  
相思不似相逢好千疊遙岑際碧霞

午睡天涯客夢家只將顛顛惜年華雨添芹沼涵新綠



風動柴門擁落花力後早妨秋後稼  
供需急仰雨前茶  
故人有約同歸隱  
準擬休糧服曉霞

湘筠新截雨痕斑  
強把烏絲細作闌  
寄遠尚憐勞白鴈  
含情更欲把青鸞  
終年恨別兵塵暗  
一夜相思草帶寬  
無奈鏡中雙鬢改  
閒居今復似潘安

懷表姪二首

鈎輈啼雨樹生煙  
花落花開又一年  
南館懷人空繾綣  
西塘送客重留連  
晨炊玉粒傳餐美  
曉掇茶旗入焙妍

恨入相思寬草帶  
天涯頻見月華圓

幾回引睇西城道  
終日相思南館樓  
飄泊只今憐薄宦  
栖遲自足慰清游  
天涯未有音書便  
客裏偏驚歲月流  
門掩黃昏花落盡  
不聞風雨送春休

懷熊元懋

春城風雨送飛花  
無限歸心苦憶家  
倦客有懷空老大  
故人無奈隔天涯  
蘼蕪近處荒煙合  
杜宇啼時好月斜  
住近軍如隔千里  
相思何啻暮雲賒



次廖子謙九日郡侯席上韻

碧雲凝暮楚天長軒檻風輕綺席涼坐客詞華扳屈宋  
府公才美敵龔黃山城雨過蒼龍蟄洲渚晴搖紫鳳翔  
醉把茱萸顛倒挿多情應笑孟嘉狂

簾外山光翠靄霏城頭高閣澹餘暉一經蚤服遺金訓  
五馬終諧衣錦歸高飲政須拚酩酊清談頗訝入玄微  
歸時醉踏樓前月夕吹涼侵薜荔衣

贈友人自洪歸省

書渚風生采鷁津歸心迢遞錦衣新龍墀入衛趨華省  
鶴髮添愁憶遠人水驛雲關沙際曉官河花發雨中春  
情知定省娛深意錫類應將古義陳

送人入覲

華輶疊鼓下蕭灘幕府英猷副上官入覲已稽周典禮  
趨朝爭覩漢衣冠鳳臺春藹王畿外龍袞光生黼座端  
獻納多君才並美遠承新渥出金鑿

送文道昭



經濟才猷最擅芳  
鐵衣曾染戟塵黃  
冥鴻南下關河迴  
天馬西來道路長  
顏巷殷勤勞舉玉  
祖筵珍重更持觴  
丈夫不為離憂苦  
萬里雲帆引去航

五言絕句

絕句

飛來雙粉蝶  
還為落紅迷  
不惜餘香在  
隨風過檻西  
幽居偏寥寞  
樹午綠陰團  
更有雙飛燕  
新巢次第完  
閉門花落盡  
稍稍覺春歸  
只憶山中好  
雲深筍蕨肥

緘情聊寄遠  
一望去程賒  
杳杳飛孤鷺  
微茫近落霞  
樹色偏宜晚  
涵煙接古城  
傷心遙駐日  
荆杞亂來生  
昔時歌舞地  
處處長蒿萊  
共說茅簷底  
今朝有燕來  
楚山不可極  
楚水欲千重  
雨逐飛雲度  
相從認去蹤  
長飈中夕起  
空閨幽思多  
忽聞啼杜宇  
奈此單居何  
飛花隨雨急  
歌樹向風斜  
不識春歸路  
愁來倍憶家  
怪得春多雨  
農家未力畊  
雲濤生近渚  
駕得海舟輕

歲晏



晴旭照書樓玩此餘景好端為徂歲驚何以散襟抱  
獨夜

單居懷永夜回颿激踈林月欺燈影暗霜壓鴈聲沉

七言絕句

謾成

官柳搖青淺學眉舞腰纖  
痕似蠻兒多情只解牽離思  
剪盡煙中數尺絲

偶成二絕句簡魯威學士

雲物淒涼小雪初半庭殘菊蝶來踈  
連朝筆硯多忙事  
借得東泉學士書

病起頭顱不可風南窓晴日正融融  
天憐老境無差使  
乞與詩篇酒醖中

題駿馬袞塵圖

畫史當年思入神直窮殊想到麒麟  
蒼髯太僕殷勤看  
袞向天階雪後塵

題白菊次壁間韻



欽定四庫全書  
卷三  
露粉凝春欲綻時西風籬落雪盈枝客來應費尊中酒  
醉後還題壁上詩

次韻周存義三首

麗春橋背酒旗斜  
暖初聞閣閣蛙  
一徑紅香侵屐齒  
東風巷陌落殘花

愁腸不還酒腸寬  
花淚含情晝不乾  
白紵朝來渾似薄  
半簾紅霧揀花寒

數里猶聞舂築聲  
崇墉礧礧報初成  
閭閻何用興愁嘆  
幾處春田尚未畊

送別圖

落木蕭蕭雲覆湍  
吳山楚水路漫漫  
相思欲作無窮意  
醉解奚囊把畫看

次韻

琪樹珊珊動好風  
府公清興與誰同  
一聲鳴鶴楚山靜  
寶月生涼露井桐

酒力微欺新秋即  
目斷葛風襟期曾與昔人同  
數枝危



綠蒼煙外秋意分明夕照中

雜著附

送邢允恭序

闕逢執徐之歲余方屏居城隅離索既久客有走語余以邢允恭受左司辟來權臨府稅令署且有日未幾果之官新政令以疏滯繁振網維以杜侵蠹恪遵厥職月計美於前為倍者率盈不縮轉輸既上上甚嘉之遂錄功以旌其能適易摧為正蓋銓衡之不失士如是夫明

年春允恭遽將代聯事者甚惜其去始相語者復以聞諸余意謂允恭僑洪於余寔同里閭諒有契愛爰丐一言以榮其行余忱忝交亦槩知其履歷曷已于言夫允恭以中州之才始從事薇省循資以進計榮顯可待既更多故莫竟厥抱為可慨今而小試即獲知遇如此吾知代去之速蓋基是而陞也必矣去留奚足卹哉庸以是復其請且以為贈

送張文在序



國家以科舉羅俊彥而海內之士明經脩行者未始無  
意于斯世也夫自車書混一而來承平歷七八十年重  
熙累洽而文運蠲興矣豫章建省為東南一都會廬陵  
屬為一大郡土廣民庶以知學問由科舉策名者指不  
可一二倒以文物稱為它郡先永豐又廬陵之一邑也  
文忠以來才傑代出來者方殷詎可量哉儒先張介閣  
諸孫文在才茂質秀學舉子業以經明行脩顯賢而有  
文章恒以司馬子長能遠游將從事於斯以舒其心目  
且將下豫章過彭蠡登廬阜歷潯陽趨長淮挾儒術囊  
琴載書以往吾知今之學者家四書而人六經契文在  
所挾者固宜有其人矣即其人而投以所尚將必有遇  
矣豈特歷覽山川之雄風俗之異以作其文氣而已哉  
矧長淮之間俗美而人淳文在茲行發揮其素蘊蓄聲  
光焰燭將不在此而在彼也故叙而贈之

贈墨卿胡達義序

胡湛然氏墨妙當代賢公卿聞人恒所試用每善其製



作之精無憚奚易水亦固信然名實相須不誣如此夫  
古人一藝能用于時賢者必亟為獎與豈惟昔能然今  
不能然亦獨何心吾於胡達義有感矣湛然為達義三  
世祖相傳授異人墨法而擅譽碩儒鉅公間為甚舊貢  
內府供上用者數矣收名定價跨越前代由是子孫繩  
其祖武它工竟莫窺其藩籬故藝獨精而名益彰達義  
所製良契厥妙吾恐賢士大夫或莫之究而貽魚目混  
珠之憾余之著其人蓋著其無忝厥祖然於獎與古人  
之意豈以不敏而敢後於諸公也是為贈至正己丑孟  
夏之月序

龔先之詩集叙

詩道必關於興衰之運固已勸懲未必不關也吾知天  
弗以興衰限夫人而詩人之值興衰其汙隆升降而形  
之美刺則固煥焉垂輝簡帙弗墜刺非有激美非有要  
蓋可感可懲之有關如是夫風雅尚矣它作之存長篇  
大什猶金銘玉篆而雲龍變化也猶風披露披露濡而



霜摧羣物也猶指掌按圖而鑒照妍媸也在古能然今孰不然余觀上淦龔先之之詩而慨其所遭之顛沛摧折有非人所可堪播之謠詩槩可見矣而忠君愛親之念悠然炳然豈真同罹此憂而後為知先之也於是而有所閔則君子庶幾有取焉

廖子謙像贊

神閒志道唯道為謀心焉休休希德之周困乎無波之流泛乎不繫之舟殆非意匠所可求斯為子謙父之儔

墨銘

製劑而圓益杵以堅孰為而傳有啓自仙涵濡以研人文攸宣永脗之延守吾之玄

思齊齋銘

參三攸立爰古爰初率康厥彛好德靡毆世繇而降岐以知愚拯其淪溺寔啓聖謨匪自為謀曷端其趨苟昧所從瞑而觸塗唯善唯賢允措允摸冀以及之或肩厥譽唯是為思唯德為隅鄉國之善既洽既孚上友千古



卓爾莫渝永跋乃績厥問藹如是謂齊賢美溢弗虛用  
銘其齋斐然請書

代祭外祖母

嗚呼吾外祖母稟性慈仁外和踈遠內睦懿親事夫教  
子遺躅可循鍾愛吾母訓誨諄諄某忝外孫教育實均  
言猶在耳佩服終身詎意掄景竟值艱屯周窮恤匱此  
意良勤晚尤向善與佛有因爰底清淨根不染塵不疾  
而逝痛傷我神嗚呼哀哉兮朔風淒其哀此載道兮忽  
擗靈輻道左一奠兮死生悽悲者在俎兮茗在卮魂或  
降兮莫余知肝腸痛裂兮淚空空垂

先妣墓所祀后土祝文

神溥厚德闕靈于茲親瑩獲休惟神是依爰初安厝適  
際艱危禮或簡陋抱病弗遺茲晨協吉益以封治畚築  
是具敢告靈祇

省母墓祀后土

率忝游宦流寓臨城中罹屯蹇百禍寔并奉母以居爰



失其寧遽至殞歿傷裂五情葬之南郭佳城是營歲既  
涔易瞻戀曷勝春濡雨露修祀封塋徵神之佑觴酌再  
傾庇我後昆大來厥慶

祭合郡神祝文

代作

眷惟此邦重罹兵革民庶凋殘良宜憫惻邦有名神久  
庇斯民禦戎捍患典祀所遵厥靈洋洋昭哉孔彰降鑒  
在上休有烈光某職列樞宥提卒來守神克相予殄其  
群醜崇墉言言虎旅桓桓前旌所指破敵摧山我師我  
旅爰居爰處裁瀉潛消神降之祐追于平一爰底寧謐  
陰相厥功神貺斯畢涓吉合祀牲肥酒旨惟神是依永  
錫嘉祉



|               |               |               |               |               |               |               |               |
|---------------|---------------|---------------|---------------|---------------|---------------|---------------|---------------|
| <p>欽定四庫全書</p> | <p>欽定四庫全書</p> | <p>欽定四庫全書</p> | <p>欽定四庫全書</p> | <p>欽定四庫全書</p> | <p>欽定四庫全書</p> | <p>欽定四庫全書</p> | <p>欽定四庫全書</p> |
|---------------|---------------|---------------|---------------|---------------|---------------|---------------|---------------|





